

11.08.2008

UKA 2008/71

Peqqussutissatut siunnersuut pillugu oqaaseqaatit

Oqaaseqaatit nalinginnaasut

-

1. Allanguutissatut siunnersuutip siunertaa

Peqqinnissaqarfiup pensionisialinnik sutigut sullissisinnaaneranik isumaginninnermi inatsisiliortoqarsimanagera Naalakkersuisut siunertanut tulluurtuusorinngilaat. Taamaattumik utoqqarnik paaqqinniffiit pillugit peqqussummi malittarisassat peqqinnissaqarfiup pensionisialinnik sullissineranut tunngasut peerneqarnissaat Naalakkersuisut kissaatigaat. Peqqinnissaqarfiup innuttaasunik, nammineq najugarisaminni nammineersinnaanngitsunik, sullissinera pillugu malittarisassat, peqqinnissaqarfiup inatsisiliornerani allassimassapput.

2. Siunnersuummi immikkoortut pingaarnert:

Peqqinnissaqarfik pillugu isumaginninnermut inatsisiliornermit peerneqarnissaa.

3. Pisortanut aningaasaqarnikkut aqutsinikkullu kingunerisassai:

Allanguutissatut siunnersuut pisortanut aningaasaqarnikkut aqutsinikkullu kinguneqassanngilaq.

4. Inuussutissarsiornermut aningaasaqarnikkut aqutsinikkullu kingunerisassai:

Allanguutissatut siunnersuut inuussutissarsiornermut aningaasaqarnikkut aqutsinikkullu kinguneqassanngilaq.

5. Avatangiisinut pinngortitamullu kingunerisassai:

Allanguutissatut siunnersuut avatangiisinut pinngortitamullu aningaasaqarnikkut aqutsinikkullu kinguneqassanngilaq.

6. Innuttaasunut aqutsinikkut kingunerisassai:

Allanguutissatut siunnersuut innuttaasunut aqutsinikkut kinguneqassanngilaq.

7. Naalagaaffeqatigiinnermut namminersornermullu tunngasut:

Allanguutissatut siunnersuut naalagaaffeqatigiinnermut namminersornermullu tunngasunut sunniuteqassanngilaq.

8. Oqartussaasunut suliniaqatigiiffinnullu/kattuffinnullu tusarniaaneq:

Allanguutissatut siunnersuut tusarniaassutigineqarsimavoq:

Naalackersuisut Siulittaasuata Naalackersuisoqarfia, Aningaasaqarnermut Nunanullu Allanut Naalackersuisoqarfik, KANUKOKA-mullu.

Tusarniaaffigineqartut oqaaseqaateqarsimangillat.

Peqqussutissatut siunnersuummi aalajangersakkat ataasiakkaat pillugit oqaaseqaatit

§ 1 pillugu

Nr. 1 pillugu.

§ 1 imm. 2 atorunnaarsinneqarpoq, peqqinnissaqarfiup sullissinissaanut tunngammat. Imm. 3-mi peqqinnissaqarfiup paaqqinniffianut nuukkallarnissamut neqeroorut ilanngullugu atorunnaarsinneqarpoq. 3.

Nr. 2 pillugu.

§ 2, imm. 1-imi peqqinnissaqarfiup ataani paaqqinniffimmut nuunnissamik qinnuteqaat kommunimi najugarivitami kommunalbestyrelse-mut tunniussinissaq pillugu malittarisassaq atorunnaarsinneqarpoq.

§ 2, imm. 3-mi peqqinnissaqarfiup ataani paaqqinniffimmi najugaqarallarnissamik qinnuteqaatit imm. 1-mi aamma imm. 2-mi aalajangersarneqartutut ingerlatinneqartussat pillugit malittarisassaq atorunnaarsinneqarpoq.

Nr. 3 pillugu.

§ 3, imm. 1-imi peqqinnissaqarfiup ataani paaqqinniffimmut nuunnissamik qinnuteqaatit nuuttussamik inissiiniartarnej pillugu ataatsimiititaliamit oqartussanit assigiinngitsunit ilaasortaaffigineqartumit suliarineqartartussat pillugit malittarisassaq atorunnaarsinneqarpoq.

§ 3, imm. 2-mi peqqinnissaqarfiup ataani paaqqinniffimmi najugaqarallarnissamik qinnuteqaatit imm. 1-imi aalajangersarneqartutut suliarineqartartussat pillugit malittarisassaq atorunnaarsinneqarpoq.

Nr. 4 pillugu.

§ 6 atorunnaarsinneqarpoq. Peqqinnissaqarfiup paaqqutarineqarnissamik pisariaqartitsisunut inissaqartitseqqullugu kommunalbestyrelsi peqqinnissaqarfimmut isumaqatigiissuteqarsinnaanera, tamatumunngalu akiliutissat naatsorsorneqartarnerat pillugu malittarisassat peqqinnissaqarfimmut inatsisiliornermi allassimassapput.

§ 2 pillugu

Siunnersuutigineqarpoq, Inatsisartut peqqussutaat ulloq 1. januar 2009-mi atortuulersinneqassasoq.